

BESTELAKO XEDAPENAK

JAURLARITZAREN LEHENDAKARITZA

3291

EBAZPENA, 2012ko uztailaren 17koa, Lehendakaritzako idazkari nagusiarena, 2012rako Garapen Lankidetzaren arloan profesionalak espezializatzeko sei beketarako deialdia egiten duena.

Garapen Lankidetzaren arloan profesionalak espezializatzeko bekak arautzen dituen ekainaren 17ko 138/1997 Dekretuak (1997/07/02ko EHAA, 125. zk.) 2.1 artikuluan ezartzen du Lehendakaritzako idazkariaren ebazpen bidez urtero beka horietarako deialdia egingo dela eta kasu guztietan seinlatu beharko direla deialdiaren helburua, bekaren iraupena, beken zuzkidura eta ordainketa, eskabideak aurkezteko tokia eta epea, eskabide-ereduak eta esleipena. Halaber, dekretuaren 11.1 artikulua ezartzen duenez, Lehendakaritzako idazkariak ebazpen bidez esleituko ditu bekak.

Deialdia egiteko eskumenari dagokionez, Garapenerako Lankidetzaren Euskal Agentzia sortu, arautu eta abiarazi ondoren (Garapenerako Lankidetzaren Euskal Agentzia sortu eta arautzen duen ekainaren 19ko 5/2008 Legea; Garapenerako Lankidetzaren Euskal Agentziaren antolaketa eta funtzionamenduko erregelamendua onartzen duen martxoaren 23ko 95/2010 Dekretua; eta Agentziaren jarduerak abiaraztea arautzen duen azaroaren 23ko 310/2010 Dekretua), eta ikusirik Jaurlaritzaren Lehendakaritzari esleitu zaiola garapenerako lankidetzaren arloa, eta lehendakaritza horixe atxiki zaiola Garapenerako Lankidetzaren Euskal Agentzia izeneko zuzenbide pribatuko erakunde publikoa (EAEko administrazioako sailak sortu, ezabatu eta aldatzeko eta horien egitekoak eta jardun-arloak finkatzeko Lehendakariaren maiatzaren 8ko 4/2009 Dekretua bigarren aldiz aldatzeko Lehendakariaren urtarrilaren 18ko 6/2011 Dekretuaren lehenengo eta bigarren artikulua), Lehendakaritzako idazkari nagusiak egin behar du diru-laguntzen deialdi hau.

Hala ere, Garapenerako Lankidetzaren Euskal Agentziako zuzendariak erabakiko du nola kudeatu aipatutako laguntzak, eta berak emango ditu horretarako eman beharreko ebazpenak. Hala dago ezarrita bi lege-xedapen hauetan: batetik, Garapenerako Lankidetzaren Euskal Agentzia sortu eta arautzen duen ekainaren 19ko 5/2008 Legearen 11.2 artikulua, eta, bestetik, Garapenerako Lankidetzaren Euskal Agentziaren antolaketa eta funtzionamenduko Erregelamendua onartzen duen martxoaren 23ko 95/2010 Dekretuaren 11.1 artikulua.

Azkenik, adierazi behar da deialdi honek Garapenerako Lankidetzaren Euskal Agentziaren Kontseilua Errektorearen oniritzia jaso zuela 2012ko urtarrilaren 13an egindako bilkuran.

Horren arabera, honako hau

EBAZTEN DUT:

Artikulu bakarra.— Deialdia.

Garapen Lankidetzaren arloan profesionalak espezializatzeko sei bekaren deialdia egitea, onartu oinarrien arabera (ikus eranskin bakarra).

AZKEN XEDAPENAK

Lehenengoa.— Ebazpen honetan eta Garapen Lankidetzaren arloan profesionalak espezializatzeko bekak arautzen dituen ekainaren 17ko 138/1997 Dekretuan aurreikusi ez den guztian, Herri Administrazioen Araubide Juridikoaren eta Administrazio Prozedura Erkidearen azaroaren 26ko 30/1992 Legean xedatutakoa ezarriko da.

Bigarrena.— Ebazpen honek amaiera ematen dio administrazio-bideari, eta, beraren aurka, aukerako berraztertze errekurtsoa aurkeztu ahal zaio Lehendakaritzako idazkari nagusiari, ebazpena Euskal Herriko Agintaritzaren Aldizkarian argitaratu eta biharamunean hasita hilabeteko epean; bestela, administrazioarekiko auzi-errekurtsoa aurkeztu ahal da Euskal Autonomia Erkidegoko Auzitegi Nagusian, Euskal Herriko Agintaritzaren Aldizkarian argitaratzen den egunaren biharamunetik aurrera bi hilabeteko epearen barruan.

Hirugarrena.— Ebazpen honek Euskal Herriko Agintaritzaren Aldizkarian argitaratu eta biharamunetik aurrera izango ditu ondorioak.

Vitoria-Gasteiz, 2012ko uztailaren 17a.

Lehendakaritzako idazkari nagusia,
JOSÉ MANUEL SALINERO FEIJOO.

ERANSKINA

GARAPEN-LANKIDETZAREN ARLOAN PROFESIONALAK ESPEZIALIZATZEKO BEKEN
2012KO DEIALDIAREN OINARRIAK

Lehenengoa.— Beken xedea eta iraupena.

Ebazpen honen xedea Garapen Lankidetzaren arloan profesionalak espezializatzeko eta prestatzeko 2012ko ekitaldirako sei bekaren deialdia egitea da. Bekok garatzeko aldia hamabi hilabetekoa da eta, esleitu ondoren, Garapenerako Lankidetzaren Euskal Agentziak zehaztuko du noiz hasiko den aldi hori.

Bigarrena.— Eskatzaileek bete beharreko baldintzak.

Ekainaren 17ko 138/1997 Dekretuko 6.1 artikulua araberaren eta Eusko Jaurlaritzaren 1998ko maiatzaren 19ko Akordioak ezarritakoa jarraituz, Beka eskatzaileek ondorengo baldintza hauek bete beharko dituzte:

1.— Administrazio-egoitza Euskal Autonomi Elkartearen edukitzea bekak deitzen diren 2012ko urtarilaren 1a baino lehen.

2.— Lizentziatua izatea. Lehentasuna izango dute Zuzenbide, Ekonomia, Kazetaritza eta Soziologia arlokoek.

3.— Lehendik beka hauek edo Euskal Autonomia Erkidegoko Aurrekontu Orokorren kargurako mota berdina edo antzeko bekarik lortu ez izana.

Hirugarrena.— Diru-zuzkidura eta ordainketa.

1.— Beken diru-zuzkidura honako hau izango da:

a) 18.000 euro Euskal Autonomia Erkidegoan garatu behar diren sei beketako bakoitzarentzat (108.000 euro guztira).

b) Halaber, ekainaren 17ko 138/1997 Dekretuko 3. artikuluko d) letran jasotako prestakuntza egiteko aurreikusitako guztizko gastua 10.000 (hamar mila) eurokoa izango da bekadun guztientzat.

2.— Honelako aurrekontu-banaketa izango du kredituak:

a) 30.000 euro 2012ko ekitaldiaren kontura, ordainketa-kreditu gisa, eta

b) 88.000 euro 2013ko ekitaldiaren kontura, konpromiso-kreditu gisa.

3.— Ordainketa:

Beka esleitu ondoren eta aldez aurretik bekadunak onartu eta lanean hasi ostean egingo da lehenengo ordainketa, eta bekaren zenbatekoaren % 25 izango da. Bigarren ordainketa bekaren zenbatekoaren % 40 izango da, eta beka baliatzen hasten denetik lau hilabete igaro ondoren egingo da, aldez aurretik bekadunak bere jardueren garapenari buruzko aldizkako txostena aurkeztu badu. Hirugarren ordainketa bekaren zenbatekoaren % 25 izango da, eta bigarren ordainketatik sei hilabete igaro ondoren egingo da, bekadunak dagokion aldizkako txostena aurkeztu badu. Laugarren eta azken ordainketa bekaren zenbatekoaren % 10 izango da eta ekainaren 17ko 138/1997 Dekretuaren 3. artikuluko a) idatzi-zatiak aipatzen duen azterlan edo ikerketa lana aurkeztu eta onartu ondoren egingo da.

Laugarrena.— Eskabideak aurkeztea.

Eskaerak Ebazpen hau EHAA-n argitaratzen den egunaren biharamunetik zenbatzen hasi eta egutegiko hilabeteko epean aurkeztu beharko dira, Herri Administrazioen Araubide Juridikoaren eta Administrazio Prozedura Erkidearen azaroaren 26ko 30/1992 Legearen 38.4 artikuluan aurreikusitako edozein modutan, honi erantsita aurkeztutako eredu normalizatuaren arabera, honako honi zuzenduz:

Garapenerako Lankidetzaren Euskal Agentzia
Nafarroa, 2
01007 Vitoria-Gasteiz

Halaber, www.elankidetza.euskadi.net Garapenerako Lankidetzaren Euskal Agentziaren webgunetik sar daitekeen aplikazio informatikoaren bitartez.

Bosgarrena.— Esleitzea eta argitaratzea.

Ekainaren 17ko 138/1997 Dekretuaren 9. artikuluan aurrez ikusitako Aukeraketa Batzordeak bekak nori esleitu proposatu dio Garapenerako Lankidetzaren Euskal Agentziaren Zuzendariari, eta hark ebazpenaren bidez esleituko ditu bekak. Ebazpen horrek amaiera emango dio administrazio-bideari, eta Euskal Herriko Agintaritzaren Aldizkarian argitaratuko da.

Ebazpen honen babespean aurkeztutako eskabideen ebazpena emateko gehieneko epea eskabideak jasotzeko epea amaitu eta hiru hilabetera amaituko da. Epe hori pasatu ondoren interesatuak inongo ebazpenik jaso ez badu, eskabidea gaitzetsitatu joa daiteke, Herri Administrazioen Araubide Juridikoaren eta Administrazio Prozedura Erkidearen azaroaren 26ko 30/1992 Legearen 44.1 artikuluan ezarritakoaren arabera.

Seigarrena.— Bekadunen betebeharrak.

Bekaren eskaera aurkezteak Garapen Lankidetzaren arloan profesionalak espezializatzeko bekak arautzen dituen ekainaren 17ko 138/1997 Dekretuan eta deialdia egiteko den ebazpen honetan xedatuta dagoena onartzeko konpromiso formala dakar berekin.

Bekadunak ekainaren 17ko 138/1997 Dekretuan eta ezar daitekeen legeria orokorrean jasotakoa betetzen ez badu, bertan behera utziko dira jaso gabeko diru-kopuru guztiak, eta ordura arte ordaindutakoa eta horren interes legalak itzultzeko eskatuko zaio, betiere Diru-laguntzak itzultzeko prozedura orokorra ezartzen duen abenduaren 17ko 698/1991 Dekretuaren II. tituluaren arabera.

Behar bezala justifikatu daitezkeen arrazoiak direla eta bekadunak bekari uko egiten badio, hirugarren oinarriak aipatzen dituen eskubideak galduko ditu baliatu ez den beka-zatiari dagokionez, eta ordura arte burututako azterlana aurkeztu beharko du.

ESKABIDE-EREDUA 2012**GARAPEN-LANKIDETZAREN ARLOAN PROFESIONALAK ESPEZIALIZATZEKO BEKAK**

ESKABIDEAREN ERREGISTRO-ZENBAKIA

1. INPRIMAKIA

Zuzendari hori:

Izenpetzailearen datuak (bi abizen eta izena): ,
NAN zk.: , Jaioteguna: (e)koaren a,
Helbidea: Herria: PK:
Probintzia: , Titulazio akademikoa:
Lehendakaritzako idazkari nagusiaren 2012koaren (e)ko Ebazpena
baliatuz (2012koaren(e)ko EHAA, zk.), zera

ESKATZEN DUT:

Garapen Lankidetzaren arloan profesionalak espezializatzeko beka bat eman diezadazula. Honekin batera doan eskabidean adierazi ditut nire datuak.

..... , 2012koaren (a).

Sin.:

GARAPENERAKO LANKIDETZAREN EUSKAL AGENTZIAREN ZUZENDARIA

2. INPRIMAKIA**CURRICULUM VITAE**

Abizenak:

Izena:

NAN: Jaioteguna:

Helbidea:

Herria:

Probintzia: PK:

Telefona:

IKASKETAK:

Lizentziatua (zehaztu zertan):

Zentroa:

Ikasketak amaitu zitueneko data:

Ikasketen ziurtagiriko kalifikazioa:

GRADUATU ONDOREN EGINDAKO IKASTAROAK:

Titulua:

Zentroa:

Iraupena: Lortutako kalifikazioa:

EGINDAKO LAN ETA ARGITALPENAK:

Izenburua:

Non argitaratua: Data:

EGIAZTATUTAKO HIZKUNTZAK (H: hala moduz, O: ondo, Z: zuzentasunez).

Hizkuntza	Irakurri	Hitz egin	Idatzi

BESTELAKO IKASKETA EDO IKASTAROAK:

Titulua:

Zentroa:

Iraupena: Lortutako kalifikazioa:

JASOTAKO BEKAK ETA LAGUNTZAK:

Erakundea	Bekaren izena	Hasiera-data	Iraupena

INFORMATIKA-EZAGUTZAK:

.....
.....
.....

LANBIDE ESPERIENTZIA:

.....
.....
.....

BESTELAKO DATU INTERESGARRIAK:

.....
.....
.....

OHARRA: Garapenerako Lankidetzaren Euskal Agentziak jakinarazten dizu formulario hau betetakoan lortutako zure datu pertsonalak fitxategi automatizatu batean sartuko direla, Datu Pertsonalak babesteari buruzko abenduaren 13ko 15/1999 Lege Organikoan ezarritakoa kontuan izanik.

Fitxategi horretan bildutako datuak ezin izango zaizkie hirugarren batzuei laga; gainera, fitxategiaren erabilera, Garapenerako Lankidetzaren Euskal Agentziak sustatutako laguntzak kudeatzearen erabilera eskusiboarekin dago lotuta.

Nahi izanez gero, Legean aurreikusitako eskuratzeko, zuzentzeko, deuseztatzeko eta aurka egiteko eskubideak baliatu ahal izango dituzu, fitxategi horren arduradun den Garapenerako Lankidetzaren Euskal Agentziari idazki bat igorrita (Helbidea: Nafarroa kalea, 2, 01007 Vitoria- Gasteiz).

AURKEZTU BEHAR DIREN AGIRIAK

a) Erroldaren ziurtagiria, lankide boluntarioa EAEko edozein udalerritan 2012ko urtarrilaren 1a baino lehenagotik bizi dela egiaztatzeko.

b) Karnet neurriko argazki bat.

c) NANaren fotokopia.

d) Curriculum vitae-a.

e) Espediente akademikoaren fotokopia konpultsatua.

f) Lizentziatua izatea egiaztatzen duen dokumentuaren fotokopia konpultsatua.

g) Egindako ikasketak eta esperientzia praktikoa egiaztatzen dituzten dokumentuen fotokopia konpultsatua, lortu nahi den bekarako garrantzi berezia baldin badute.

h) Lehendik beka hauek edo Euskal Autonomia Erkidegoko Aurrekontu Orokorren kargurako mota berdina edo antzeko bekarik lortu ez izana adierazten duen zinpeko aitorpena.

i) Zigorrak ezartzen duen aldian honako zigor hauek jaso ez dituela ziurtatzen duen zinpeko edo erantzukizunpeko aitorpena: Euskal Autonomia Erkidegoko Aurrekontu Orokorren kargurako diru-laguntzak lortzeko debekua diru-laguntza edo laguntza publikoen arloko arau-hausteagatik ezarritako zigor irmo baten ondorioz, zigor administratibo edo penalik betetzen ari ez dela sexuarengatiko diskriminazioan erortzeagatik, eta debeku horrekin zigortuta ez egotea Emakumeen eta Gizonen arteko berdintasunerako Legearen arabera.